

Vedtekter for skulefritidsordninga (SFO)

Forskrift om vedtekter for kommunal skulefritidsordning i Kinn kommune - Kommunestyret sitt vedtak i sak 175/22.

Innholdsoversikt

1 Verkeområde

2 Føremål og innhald

3 Eigartilhøve

4 Ordinært SFO-tilbod

5 Ferie-SFO

6 Styring og leiging

7 Opptak, opptaksmynde og opptakskriterium

8 Endringar og oppseiing

9 Foreldrebetaling

10 Forseinka og misleghalden foreldrebetaling

11 Bemanning

12 Leike- og opphaldsareal

13 Skyss

14 Internkontroll

15 Klage

16 Verksetting og kunngjering

1 Verkeområde

Forskrifta gjev reglar om kommunal skulefritidsordning (SFO) i Kinn kommune for elevar på 1. – 4. årstrinn, og for elevar med særskilt behov på 5. – 7. årstrinn, jf. opplæringslova § 13-7 med forskrifter.

Andre tilhøve som er regulert i opplæringslova med forskrifter som også gjeld skulefritidsordninga, er m.a.:

- Opplæringslova kap 9 A Eleven sitt skulemiljø (unntatt §§ 9 A-10 og 9 A- 11)
- Opplæringslova § 10-9, første og fjerde ledd Politiattest og forbod mot tilsetjing
- Opplæringslova § 11-1, første ledd Sameidsutval ved grunnskular
- Opplæringslova § 14-1 Statleg tilsyn (m.a. plikt til å ha internkontroll jf kommunelova § 25-1)
- Opplæringslova § 15-1 Bruk av forvaltningslova (m.a. reglar om teieplikt jf forvaltningslova § 13-13e.
- Forskrift til opplæringslova kap 12 Tryggleik for elevane

2 Føremål og innhald

Kinn kommune skal ha eit tilbod om skulefritidsordning før og etter skuletid for elevar på 1. – 4. årstrinn og for elevar på 5. – 7. årstrinn med særskilt behov, jf opplæringslova § 13-7.

SFO skal i samarbeid med foreldre og skulen legge til rette for eit trygt omsorgs- og aktivitetstilbod før og etter skuletid, jf. opplæringslova § 9 A-1 om virkeområdet for kapittel 9 om elevane sitt skulemiljø.

SFO skal leggje til rette for leik, kulturaktivitetar, fysisk aktivitet/friluftsliv og sosial læring tilpassa barna sin alder, funksjonsnivå og interesser.

Barnekonvensjonen artikkel 12 om Barnets beste, gjeld også for skulefritidsordninga.

Innhaldet og organiseringa av SFO-tilbodet skal vere i samsvar med dei til ei kvar tid gjeldande nasjonale lover/retningsliner, og elles planar som gjeld i Kinn kommune.

Kvar SFO-eining skal utarbeide ein årsplan som er i tråd med Forskrift om rammeplan for skulefritidsordninga og planar og satsingar i Kinn kommune.

3 Eigartilhøve

Kinn kommune eig og driv skulefritidsordninga ved dei kommunale grunnskulane.

4 Ordinært SFO-tilbod

Det ordinære SFO-tilbødet er ope 190 dagar i året, og føl årleg gjeldane plan for skuledagar og fridagar for elevane (skuleruta).

SFO har dagleg opningstid innafor eit tidsrom frå kl 06.45 til kl 16.30.

Opningstida er tilpassa lokaletilhøve i kommunen og varierer etter behov. Det er kommunedirektøren som fastset opningstidene.

Foreldre kan velgje slikt SFO-tilbod:

- A-tilbod: før og etter skuletid 5 dagar i veka
- B-tilbod: etter skuletid 5 dagar i veka
- C-tilbod: 11 dagar pr månad før og etter skuletid (dagar etter avtale)
- D-tilbod: Gratis kjernetid for elevar på 1. årstrinn (2,4 timar dagleg, etter skuleslutt)
- H-tilbod: elevar på 5. – 7- årstrinn med særskilt behov

5 Ferie-SFO

Ferie-SFO er tilbod dei dagane skulen og det ordinære SFO-tilbodet er stengt.

Ferietilbodet er behovsprøvd og samordna. Det må vere 12 påmelde elevar for at tilbodet vert iverksett. Det samordna ferietilbodet er lagt til ein av barneskulane i Florø sentrum, og ein av barneskulane i Måløy-området.

Foreldre kan søkje særskilt om slikt tilbod for ferie-SFO:

- 2 veker før skuleåret startar i august
- I skulen sin haustferie
- I skulen sin vinterferie
- 2 veker etter skuleslutt i juni

Dagleg opningstid for ferie-SFO er innafor eit tidsrom frå kl 06.45 til kl 16.30.

Opningstida er tilpassa lokale tilhøve i kommunen og varierer etter behov. Det er kommunedirektøren som fastset opningstidene.

Kjernetida i ferie-SFO gjeld dagleg i tidsrommet frå kl 08.30 til kl 10.55.

For ferie-SFO er det egne søknadsfristar som årleg vert kunngjort på heimesida vår.

Ferie-SFO har egne betalingsatsar.

6 Styring og leiing

Rektor ved den enkelte skule har det overordna administrative og faglege ansvaret for SFO.

Rektor fastset organisering og bemanning i tråd med gjeldande vedtekter.

Samarbeidsutvalet (SU), foreldrearbeidsutvalet (FAU) og skulemiljøutvalet skal også ta i vare SFO sine interesser.

Dei tilsette i SFO skal reknast som blant «andre tilsette» når det skal veljast representant til SU. Administrativ leiar for SFO har møte- og talerett i SU i saker som gjeld SFO.

7 Opptak, opptaksmynde og opptakskriterium

Det er fellesopptak til SFO-tilboda i Kinn kommune, med søknadsfrist 1. april kvart år. Tildelt plass vil gjelde frå nytt skuleår som startar i august.

Tildelt plass i SFO gjeld for eitt skuleår, eller til plassen vert sagt opp. Elevar kan elles søkje om SFO-tilbod gjennom heile året.

Søknad om SFO skal utfyllast elektronisk. Skjema finn du på heimesida vår.

Rektor ved kvar skule har ansvar for opptak til SFO.

Alle elevar på 1.- 4. årstrinn og elevar på 5.-7. årstrinn med særskilt behov som søker, har primært rett til SFO-plass ved skulen der eleven har skuleplass.

Er det 6 eller færre elevar som søker SFO-tilbod ved ein skule, vert det vurdert om elevane skal få SFO-tilbod ved nærliggjande skule. Kommunedirektøren tek avgjerd om dette.

Ved søknad om plass for elevar med særskilt behov på 5. – 7. årstrinn, må det leggjast ved dokumentasjon med rettleiande uttale frå t.d. foreldre, PPT, fastlege, sjukehus eller barnevernteneste. Eleven sine føresette er ansvarleg for at dokumentasjon for særskilt behov følgjer søknaden om plass i SFO.

8 Endringar og oppseiing

SFO-plassen er bindande for kvart halvår. Plassen for 2. halvår (vårhalvåret) kan seiast opp innan 15. november. Det kan søkast om unntak frå desse reglane.

9 Foreldrebetaling

Kommunestyret fastset årleg satsane for foreldrebetaling for SFO.

Foreldrebetaling for ordinært SFO-tilbod gjeld for 10 månadar i året. Opphaldsbetaling for juni og august er tilpassa opningsdagar for kvar av månadane. Foreldre får tilsendt 11 faktura i løpet av eitt år, med betalingsfrist forskottsvis den 15. i kvar måned. Juli måned er betalingsfri.

Foreldrebetaling for ferie-SFO har egne betalingssettar, og vert fakturert i tillegg til ordinært SFO-tilbod.

Kinn kommune følgjer nasjonalt fastsette betalingsordningar (Forskrift til opplæringslova Kap 1B Skulefritidsordninga):

§1B-1 Redusert foreldrebetaling for hushaldningar med låg betalingsevne. Føresette må søkje på eige skjema, og legge ved naudsynt dokumentasjon.

§1B-3 Gratis SFO for elevar med særskilt behov på 5. -7. årstrinn. Føresette må søkje aktuelt SFO-tilbod.

§ 1B-4 12 timar gratis kjernetid pr. veke for elevar på 1. og 2. årstrinn. Gratis kjernetid vert rekna 2,4 timar frå dagleg skuleslutt.

Berekna sum vert trekt frå på månedleg faktura om eleven har SFO-tilbod som dekkjer timar ut over kjernetida. Foreldre har høve til å søkje på eige SFO-tilbod som gjeld gratis kjernetid. 12 timar gratis kjernetid i ferie-SFO vert fasett til å gjelde i tidsrommet frå kl. 08.30 til kl. 10.55 kvar dag. Berekna sum vert trekt frå på faktura for ferie-SFO.

Søskenmoderasjon på 30% frå barn nr 2. Kostpengar kjem i tillegg til opphaldsbetaling.

[Reglar om betalingsordningar og søknadsskjema om redusert foreldrebetaling finn du her.](#)

10 Forseinka og misleghalden foreldrebetaling

Ved sein eller manglande foreldrebetaling gjeld lov om renter ved forseinka betaling av 17.12.76 nr. 100 og endringslov til forseinkingsrentelova, samt inkassolova av 13.05.88 nr 26, tvangsfullbyrdseslova av 26.02.92 og endringslov til tvangsfullbyrdseslova mv. av 23.01.15, og tilsvarande forskrifter.

Sein eller manglande foreldrebetaling vert handsama etter slike retningsliner:

- Ved 2 månader uteståande foreldrebetaling får tenesteleiar kopi av fakturapurring.
- Foreldre vert invitert til samtale om uteståande beløp, og får rettleiing om måtar det uteståande beløpet kan betalast på (nedbetalingsplan, moglegheit til å søkje om redusert betaling og liknande).
- Om inngått betalingsplan ikkje vert følgt opp og uteståande foreldrebetaling ikkje vert betalt, kan komunedirektøren seie opp SFO- plassen med 1 månads oppseiingsfrist.

11 Bemanning

Rektor er administrativ og fagleg leiar for SFO.

SFO skal ha ei bemanning som er tilstrekkeleg til at tenesta kan drivast på forsvarleg vis, minimum ein vaksen pr. 15 barn.

Bemanninga i SFO består av SFO-leiar, fagarbeidarar og assistentar.

Dersom det er mange barn med særskiltbehov, kan det vere trong for å styrke bemanninga eller ha særskild kompetanse i personalgruppa.

Er det meir enn 60 barn i SFO ved skulen, skal det som hovudregel fastsettast ressurs til dagleg leiing i 100% stilling. Fastsetting av ressurs til dagleg leiing vil gå fram av Særavtale SFS 2201 pkt 3.1.2.

Dersom det er få barn med SFO-tilbod, ligg dagleg leiing til rektor.

Personalet i SFO er underlagt forvaltningslova sine reglar om teieplikt; §§ 13- 13f. Ved tilsetting må det leggjast fram politiattest jf. Opplæringslova § 10-9.

Personalet i SFO har opplysningsplikt til barnevernet og skal samarbeide om opplysningar til den kommunale helse- og omsorgstenesta og sosialtenesta, jf opplæringslova §§ 15-3 og 15-4.

12 Leike- og opphaldsareal

SFO disponerer ute- og inneareal ved kvar skule. Leike- og opphaldsareal ute og inne må vere eigna aldersgruppa og aktivitetane i SFO.

Det fysiske miljøet skal innfri gjeldande retningsliner i Forskrift om miljøretta helsevern i skular og barnehagar, og forskrift til opplæringslova § 12-1 Tryggleik for elevane.

13 Skyss

Elevar i SFO har ordinært ikkje rett til skuleskyss. Opplæringslova § 7-3 gjev unntak for elevar med funksjonshemming, eller som har mellombels sjukdom eller skade. Retten omfattar ikkje skyss i skuleferiane. Retten til skyss gjeld uavhengig av avstanden mellom heimen og SFO.

14 Internkontroll

Skulefritidsordninga skal ha internkontrollsystem i samsvar med gjeldande forskrifter og retningsliner:

- Forskrift om systematisk helse-, miljø- og sikkerheitsarbeid i verksemder (Internkontrollforskriften av 01.01.1997)
- Forskrift om miljøretta helsevern i barnehager og skoler mv
- Kommunen sitt internkontrollsystem jf. Kommunelova § 25-1.

15 Klage

Enkeltvedtak gjort på bakgrunn av disse vedtektene kan klagast på etter reglane i forvaltningslova. Klage skal rettast skriftleg til rektor på den enkelte skule. Kinn kommune si klagenemd er endeleg klageinstans.

16 Iverksetting og kunngjering

Forskrift om vedtekter for skulefritidsordninga i Kinn kommune gjeld frå 01.01.2023. Frå same tidspunkt opphøyrer Vedtekter for skulefritidsordninga i Kinn kommune, vedtatt av hovudutval for oppvekst og kultur 09.03.2021.

Forskrifta skal publiserast i Lovdata.